

Broj: 01/01-538/11-2022
Sarajevo, 25.04.2022. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-538/10-2022 od 21.04.2022. godine u postupku nabavke roba: **NABAVKA I UGRADNJA AMFITEATARSKIH SETOVA**, Dekan Univerziteta u Sarajevu Prirodno-matematičkog fakulteta je donio

ODLUKU

o izboru najpovoljnijeg ponuđača u otvorenom postupku za dostavu ponuda

Član 1.

Prihvata se Preporuka Komisije za javnu nabavku, broj: 01/01-538/10-2022 od 21.04.2022. godine i ugovor za nabavku roba: **NABAVKA I UGRADNJA AMFITEATARSKIH SETOVA** dodjeljuje se ponuđaču **“FEF” Export-Import d.o.o. Sarajevo**, čija ukupna cijena ponude iznosi **162.449,50 KM bez PDV-a**, kao najbolje ocijenjenom ponuđaču.

Član 2.

Izabrani ponuđač, uzimajući u obzir da je već u sklopu ponude dostavio dokaze o ispunjenosti uslova iz člana 45. stav (1) tačka a) do d) i 47. stav (1) tačka a) Zakona o javnim nabavkama („Sl. glasnik BiH“, broj 39/14), u skladu sa tačkom 7. tenderske dokumentacije *oslobađa se obaveze naknadnog dostavljanja istih*.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-538/3-2022 od 28.03.2022. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **NABAVKA I UGRADNJA AMFITEATARSKIH SETOVA**.

Za provođenje postupka predmetne javne nabavke, Odlukom broj: 01/01-538/4-2022 od 28.03.2022. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-22-3-3/22 objavljeno je na Portalu javnih nabavki dana 28.03.2022. godine, a u Službenom glasniku BiH br: 18/22 dana 01.04.2022. godine.

Iz *Izvjestaja o preuzimanju tenderske dokumentacije* od strane ponuđača, vidljivo je da su u periodu koji je ostavljen za dostavljanje ponuda do 13.04.2022. godine, tendersku dokumentaciju preuzeli slijedeći potencijalni ponuđači: TOP SPORT DOO, EKAPIJA DOO, R&S D.O.O. SARAJEVO, TKAONICA ČILIMA D.D., STEEL DOO, TIM COMPANY D.O.O., BBS EUROPE, KIS PRODUKT, FEF EXPORT IMPORT DOO, HAFELE BH D.O.O., PROTIM D.O.O. SARAJEVO, GRADIZ DOO, GLOVIS, AB NAMJESTAJ, STEP D.O.O. TUZLA

Iz *Izvjestaja o pitanjima i odgovorima* u periodu koji je ostavljen za dostavljanje ponuda, vidljivo je da ponuđači nisu postavljali pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 18.04.2022. godine sa početkom u 10:30 sati po redosljedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„Hafele BH“ d.o.o. Gračanica	Da	01/01-538-1/6-2022	18.04.2022.g. u 09:10 sati
2.	“FEF” Export-Import d.o.o. Sarajevo	Da	01/01-538-2/6-2022	18.04.2022.g. u 09:45 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda isti dan, 18.04.2022. godine prosljeđen elektronskim putem (E-mail-om) ponuđačima koji su blagovremeno dostavili ponude.

Komisija za javne nabavke sastala se 18. 04. 2022. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Nakon pregleda i ocjene ponuda, Komisija za provođenje postupka nabavke je utvrdila sljedeće:

Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja ekonomsko-finansijske sposobnosti u skladu sa članom 47. Zakona o javnim nabavkama predviđeno je:

- b) da bankovni račun nije blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci od dana objave obavještenja o nabavci;

Tenderskom dokumentacijom u svrhu dokazivanja ekonomsko-finansijske sposobnosti, u skladu sa članom 47. Zakona o javnim nabavkama:

- ✓ ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde, a koji treba biti nakon datuma objave obavještenja o nabavci;

Komisija za nabavke je pregledom i ocjenom ponuda konstatovala da je ponuđač „HAFELE BH“ d.o.o. Gračanica u svojoj Ponudi dostavio ovjerenu kopiju Potvrde banke (Raiffeisen bank DD BiH) o solventnosti transakcijskog računa, iz koje nije vidljivo da je u istoj otvoren „Glavni račun“ sa naznakom od strane banke da navedeni račun ponuđača predstavlja glavni račun, što nije u skladu sa tačkom 7.1 Tenderske dokumentacije, jer nije priložen traženi dokaz.

Ponuđač je dostavio i ovjerenu kopiju Izvještaja o računu poslovnog subjekta - Glavni račun, izdatog od Centralne banke Bosne i Hercegovine, iz koje je vidljivo da se je gore navedeni račun, Glavni račun, međutim Ponuđač nije dostavio traženi dokaz tenderskom dokumentacijom, tj. nije dostavio potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde, a koji treba biti nakon datuma objave obavještenja o nabavci;

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Pored navedenog u skladu sa tačkom 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđač „HAFELE BH“ d.o.o. Gračanica nije postupio u skladu sa tačkom 7.1. Tenderske dokumentacije i članom 47. stav (1) tačke a) ZJN, jer nije u ponudi dostavio traženi dokaz.

Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja tehničko-profesionalne sposobnosti predviđeno je:

- c) da ponuđač dostavi katalog/fotografije koje su predmet njegove ponude iz kojih se jasno i u potpunosti može utvrditi usklađenost i karakteristike ponuđene robe sa traženim tehničkim opisom, a kojima ponuđač mora da dokaže da ispunjava zahtjeve Ugovornog organa utvrđene u ovoj Tenderskoj dokumentaciji;

Tenderskom dokumentacijom u svrhu dokazivanja tehničke i profesionalne sposobnosti, u skladu sa članom 49. tačka d) Zakona o javnim nabavkama, ponuđač je bio dužan dostaviti:

- ✓ Odgovarajuće kataloge/fotografije ponuđene robe, iz kojih se jasno i u potpunosti može utvrditi usklađenost i karakteristike ponuđene robe sa traženim tehničkim opisom, a kojima ponuđač mora da dokaže da ispunjava zahtjeve Ugovornog organa utvrđene u ovoj Tenderskoj dokumentaciji;

U priloženom katalogu/fotografijama, ponuđač mora jasno navesti broj stavke iz Obrasca za cijenu ponude – Aneks 3. na koju se odnosi.

Komisija je na osnovu uvida u ponudu „Hafele BH“ d.o.o. Gračanica i stručnog mišljenja člana Komisije, broj: 01/01-538/8-2022 od 20.04.2022. godine, konstatovala da je iz sadržaja dostavljene ponude vidljivo da su fotografije ponuđene robe navedene na stranicama od 41. do 56. Komisija je utvrdila da se iz pomenutih fotografija jasno može utvrditi da ponuđena roba ne zadovoljava tehničku specifikaciju predmeta nabavke, jer u Aneksu 3 u Obrascu za cijenu ponude-robe u stavkama **Prvi red i Sljedeći red u Tabelama 1, 2, 3, 4 i 5** je traženo da su *nogare stola napravljene od ovalne cijevi 90x30mm (debljina stijenke 2 mm) sa stopom dizajniranom za pričvršćivanje za pod i napravljenom od presovanog metala 30/10 sa poprečnom prečkom između stopa koja je rađena od ovalne metalne cijevi 60x30x2mm te koja dalje u nastavku služi kao nosač*

desktopa/radne ploče. Komisija je konstatovala da iz priloženih fotografija je vidljivo da roba koju nudi Ponuđač nije u skladu sa tehničkom specifikacijom, jer je stol izveden nezavisno od preklapnih sjedišta sa posebnim nogarama.

Pored toga, vidljivo je da su dostavljene fotografije za dva tipa preklapajućih stolica SITON i Accolade koje su tehnički izvedene bez nosača za radni stol za sljedeći red.

Iz ponude (stranice od 57. do 71.) je vidljivo da preklapajuće stolice SITON nisu u skladu sa tehničkom specifikacijom. Naime, u specifikaciji u stavkama **Prvi red i Sljedeći red u Tabelama 1, 2, 3, 4 i 5** je navedeno da su nogare dvosjeda/trosjeda napravljene od ovalne cijevi sa stopom napravljenom od presovanog lima i koje u nastavku treba da služe kao nosač radne ploče stola za sljedeći red. Na osnovu uvida u priloženu specifikaciju preklapajućih stolica vidljivo je da nema nastavka nogara stolica koji bi služio kao nosač za radnu površinu za sljedeći stol, nego su stolovi izvedeni nezavisno od preklapajućih stolica.

Pored toga, na stranicama od 73. do 84. Ponude priložene su fotografije amfiteatarskih preklapnih stolica Accolade sa tehničkom specifikacijom iz kojih je vidljivo da navedene stolice nisu u skladu sa traženom tehničkom specifikacijom, jer su u pitanju stolice sa tapaciranom sjedištem i zaslonom (50 mm poliuretanska pjena na 12 mm osnove od šperploče i sve tapacirano), a tehničkom specifikacijom u stavci **Sjedište i naslon u Tabelama 1, 2, 3, 4 i 5** je traženo da su stolice i naslon od šperploče (višeslojna parena bukva) farbani bezbojnim lakom i anatomski oblikovani. Pored toga nogare dvosjeda/ trosjeda stolica nisu izvedene na način da u nastavku služe kao nosači radne ploče.

Iz dostavljenih fotografija za dva tipa preklapnih stolica, od kojih nijedna nije u skladu sa traženom tehničkom specifikacijom, ne može se jednoznačno vidjeti koji tip preklapajućih stolica se nudi kao ponuda, niti je jasno vidljivo na koji broj stavke iz Obrasca za cijenu ponude - Aneks 3 se odnose ponuđene stolice.

Na osnovu svega gore navedenog, Komisija je konstatovala da Ponuda "Hafele BH" d.o.o. Gračanica ne ispunjava zahtjeve Ugovornog organa utvrđene u Tenderskoj dokumentaciji za navedeni predmet nabavke, jer ponuđena roba ne zadovoljava tehničku specifikaciju u svim gore navedenim segmentima iz Aneksa 3 Tenderske dokumentacije.

Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja tehničko-profesionalne sposobnosti predviđeno je:

- d) da ponuđač dostavi izvještaje kojima se potvrđuje usklađenost sa zahtjevima norme EN 12727:2000 i norme EN 1730:2000;

U svrhu dokazivanja tehničke i profesionalne sposobnosti, u skladu sa članom 49. tačka e) Zakona o javnim nabavkama, ponuđač je bio dužan dostaviti:

- *Izvještaj o ispitivanju čvrstoće i trajnosti stolica spojenih u redove, kojim se potvrđuje usklađenost sa zahtjevima norme EN 12727:2000. Izvještaji o ispitivanju trebaju biti izdati od relevantnih, međunarodno priznatih institucija za standardizaciju. Izvještaj je potrebno dostaviti sa svim priložima i fotografijama u kojem su testirani pojedinačni dijelovi kao prilozi kako slijedi:*
 - *Sjedište i naslon – Testiranje statičkog opterećenja*
 - *Horizontalno prednje opterećenje*
 - *Vertikalno opterećenje naslona*
 - *Test preklapnog sjedišta na udarac*
 - *Test naslona na udarac*
 - *Testiranje mehanizma stolice: minimalno 100.000 ciklusa*
 - *Test sjedišta i naslona na izdržljivost*

- *Test ivice sjedišta na izdržljivost*

- *Izveštaj koji pokazuje otpornost na vertikalni udar, kojim se potvrđuje usklađenost sa zahtjevima norme EN 1730:2000 – dostaviti test za preklopna sjedišta i za klupu/stol.*

Izveštaji, koje su u obavezi da dostavi ponuđač, ako su na engleskom jeziku, ne moraju biti prevedeni na jedan od službenih jezika.

Izuzetno Izveštaji mogu biti i na drugom jeziku (npr. njemački itd.), ali u tom slučaju ponuđač obavezno prilaže i prevod ovlaštenog sudskog tumača za jezik sa kojeg je prevod izvršen.

Na osnovu uvida u ponudu i stručnog mišljenja člana Komisije, Komisija je konstatovala da je ponuđač **Hafele BH d.o.o. Gračanica** u popisu dostavljene dokumentacije/sadržaj ponude (str. 113) naveo da su certifikati/izveštaji sa testiranja dati na stranicama od 57. do 84. Na osnovu uvida u dokumentaciju vidljivo je da su na navedenim stranicama date fotografije sa tehničkim specifikacijama preklopnih stolica Siton (od 57. do 71.) i Accolade (od 72. do 84.). Uvidom u cijelu ponudu **Hafele BH d.o.o. Gračanica** vidljivo je da **nisu dostavljeni** traženi izvještaji izdati od relevantne, međunarodno priznate institucije za standardizaciju.

Imajući u vidu navedeno utvrđeno činjenično stanje, Komisija je konstatovala da ponuđač „HAFELE BH“ d.o.o. Gračanica nije postupio u skladu sa tačkom 7.1. Tenderske dokumentacije i članom 49. stav (1) tačke e) ZJN, jer nije u ponudi dostavio tražene dokaze.

Komisija je također konstatovala da Ponuda ponuđača „**FEF**“ **Export-Import d.o.o. Sarajevo** zadovoljava tehničku specifikaciju za sve stavke iz Aneksa 3 Tenderske dokumentacije. Priložene su odgovarajuće fotografije iz kojih se jasno i u potpunosti može utvrditi usklađenost i karakteristike ponuđene robe sa traženim tehničkim opisom. Pored toga, navedeni Ponuđač je dostavio u okviru svoje Ponude i tražene izvještaje o ispitivanju čvrstoće i trajnosti stolica spojenih u redove u skladu sa EN 12727:2000 i Izvještaj koji pokazuje otpornost na vertikalni udar u skladu EN 1730:2000 u skladu sa Tenderskom dokumentacijom.

U tački 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da je **ponuda ponuđača “HAFELE BH” d.o.o. Gračanica neprihvatljiva**. U skladu sa prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponuda je ocjenjena kao neprihvatljiva, te kao takva nije uzeta u dalje razmatranje.

Nakon pregleda ponuda, Komisija za javne nabavke je utvrdila da ponuda **ponuđača “FEF” Export-Import d.o.o. Sarajevo ispunjava** sve uslove za kvalifikaciju tražene Tenderskom dokumentacijom, te je u skladu sa naprijed navedenim **ponudu ponuđača “FEF” Export-Import d.o.o. Sarajevo ocjenila kao prihvatljivu**.

Redni br. na rang listi	Naziv i sjedište ponuđača	Ponude ni popust	Ukupna cijena ponude
1.	“FEF” Export-Import		Cijena ponude bez PDV-a 162.449,50 KM 0% popust

d.o.o. Sarajevo Azize Šaćirbegović 24, 71000 Sarajevo	0,00 KM	Ukupna cijena ponude sa uračunatim popustom bez PDV-a =162.449,50 KM PDV na cijenu ponude= 27.616,42 KM Ukupna cijena za ugovor 190.065,92 KM sa PDV-om
---	---------	--

Iz Zapisnika o pregledu i ocjeni ponuda je vidljivo da u ponudi ponuđača nije bilo računskih grešaka.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29340-1-1-22-3-3/22 od 28.03.2022. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke roba: *NABAVKA I UGRADNJA AMFITEATARSKIH SETOVA* donese Odluka o dodjeli ugovora ponuđaču “FEF” Export-Import d.o.o. Sarajevo, čija cijena ponude iznosi 162.449,50 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Dostaviti:

- Ponuđaču: „HAFELE BH“ d.o.o. Gračanica
- Ponuđaču: “FEF” Export-Import d.o.o. Sarajevo
- Dosije nabavki
- a/a